


勸發菩提心文

釋慧律 跋題




省庵大師著

勸發善提心文

(義講附)

文殊講堂
岡山念佛堂
恭印



迴向偈

中華民國八十年六月恭印伍仟本非賣品

勸發菩提心文講義

作者：清 省庵大師 著

講解者：民 圓瑛大師 講

倡印者：釋 慧 律 法師

流通處：高雄 文殊講堂

高雄市民權二路嘉陵街6號

電話：(〇七) 三三二七八三三
三三三三七三五九

流通處：岡 山 念 佛 堂

高雄縣岡山鎮中華路116號

電話：(〇七) 六二一六〇〇五

承印
藏版者：祥 光 彩 色 製 版 社

地址：台南市東豐路五十三巷三十一號

電話：(〇六) 二三七八三六六、二三七二五七三

郵政劃撥：〇三八八九九九—五 戶名：王讚福

真是妄兮妄是真
現前一念勿蹉跎
心王大兮願力堅
百福莊嚴始自今
大千塵點難窮身
四海波濤孰計淚
執持名號多福善
一發大心超劫修
臨欲終時無障礙
正念分明無病苦
唯願彌陀垂接引
花開見佛悟無生。

師諱實賢。字思齊。號省庵。常熟時氏子。世儒業。幼出家。嚴習毘尼。尋入講筵。明性相之學。參念佛者是誰話。四閱月。忽然開悟。曰。我夢覺矣。自是機鋒迅利。才辯縱橫。晝覽藏經。晚持佛號。燃指於阿育王山佛前。發四十八大願。感舍利放光。作勸發菩提心文。激勵四衆。誦者多為涕下。於雍正十二年四月十四日。面西寂然。送者麋至。忽開目曰。吾去卽來。生死事大。各自淨心念佛可矣。合掌連稱佛名而逝。贊曰。

悲心廣大。菩提心文。四十八願。願力宏深。行解真實。瑞應超倫。蓮宗一脈。賴以常存。

省庵大師法像



四宏誓願

佛	法	煩	衆
道	門	惱	生
無	無	無	無
上	量	盡	邊
誓	誓	誓	誓
願	願	願	願
成	學	斷	度

徹悟禪師示衆

- 一、眞爲生死、發菩提心。是學道通塗。
- 二、以深信愿、持佛名號。爲淨土正宗。
- 三、以攝心專注而念。爲下手方便。
- 四、以折服現行煩惱。爲修心要務。
- 五、以堅持四重戒法。爲入道根本。
- 六、以種種苦行。爲修道助緣。
- 七、以一心不亂。爲淨行歸宿。
- 八、以種種靈瑞。爲往生證驗。

目 錄

省庵大師勸發菩提心文	一—二八
予茅靜遠居士書	二九—三〇
李圓淨居士序	三一—三二
勸發菩提心文講義	三三—一三〇
弘一大師講發菩提心	一三一—一三二
裴休居士普勸僧俗發菩提心文	一三三—一四九
阿彌陀佛四十八大願	一五〇—一五七

勸發菩提心文

古杭梵天寺沙門實賢撰

不肖。愚下凡夫僧實賢。泣血稽顙。哀告現前
大眾。及當世淨信男女等。惟願慈悲。少加聽
察。嘗聞入道要門。發心爲首。修行急務。立願
居先。願立則眾生可度。心發則佛道堪成。苟
不發廣大心。立堅固願。則縱經塵劫。依然還
在輪回。雖有修行。總是徒勞辛苦。故華嚴經

云。忘失菩提心。修諸善法。是名魔業。忘失尙爾。況未發乎。故知欲學如來乘。必先具發菩薩願。不可緩也。

然心願差別。其相乃多。若不指陳。如何趨向。今爲大眾畧而言之。相有其八。所謂邪正眞僞大小偏圓是也。云何名爲邪正眞僞大小偏圓耶。世有行人。一向修行。不究自心。但知外務。或求利養。或好名聞。或貪現世欲樂。或

望未來果報。如是發心。名之爲邪。既不求利。養名聞。又不貪欲樂果報。惟爲生死。爲菩提。如是發心。名之爲正。念念上求佛道。心心下化眾生。聞佛道長遠。不生退怯。觀眾生難度。不生厭倦。如登萬仞之山。必窮其頂。如上九層之塔。必造其顛。如是發心。名之爲真。有罪不懺。有過不除。內濁外清。始勤終怠。雖有好心。多爲名利之所夾雜。雖有善法。復爲罪業。

之所染汚。如是發心。名之爲僞。眾生界盡。我願方盡。菩提道成。我願方成。如是發心。名之爲大。觀三界如牢獄。視生死如怨家。但期自度。不欲度人。如是發心。名之爲小。若於心外見有眾生。及以佛道。願度願成。功勛不忘。知見不泯。如是發心。名之爲偏。若知自性是眾生。故願度脫。自性是佛道。故願成就。不見一法。離心別有。以虛空之心。發虛空之願。行虛

空之行。證虛空之果。亦無虛空之相可得。如是發心。名之爲圓。知此八種差別。則知審察。知審察。則知去取。知去取。則可發心。云何審察。謂我所發心。於此八中。爲邪爲正。爲眞爲僞。爲大爲小。爲偏爲圓。云何去取。所謂去邪去僞。去小去偏。取正取眞。取大取圓。如此發心。方得名爲真正發菩提心也。

此菩提心。諸善中王。必有因緣。方得發起。今

言因緣畧有十種。何等爲十一者念佛重恩故。二者念父母恩故。三者念師長恩故。四者念施主恩故。五者念眾生恩故。六者念死生苦故。七者尊重己靈故。八者懺悔業障故。九者求生淨土故。十者爲念正法得久住故。云何念佛重恩。謂我釋迦如來最初發心。爲我等故。行菩薩道。經無量劫。備受諸苦。我造業時。佛則哀憐。方便教化。而我愚癡。不知信

受我墮地獄。佛復悲痛。欲代我苦。而我業重。不能救拔。我生人道。佛以方便。令種善根。世世生生。隨逐於我。心無暫捨。佛初出世。我尙沈淪。今得人身。佛已滅度。何罪而生末法。何福而預出家。何障而不見金身。何幸而躬逢舍利。如是思惟。向使不種善根。何以得聞佛法。不聞佛法。焉知常受佛恩。此恩此德。邱山難喻。自非發廣大心。行菩薩道。建立佛法。救

度眾生。縱使粉骨碎身。豈能酬答。是爲發菩提心第一因緣也。

云何念父母恩。哀哀父母。生我劬勞。十月三年。懷胎乳哺。推乾去溼。嚙苦吐甘。才得成人。指望紹繼門風。供承祭祀。今我等既已出家。濫稱釋子。忝號沙門。甘旨不供。祭掃不給。生不能養其口體。死不能導其神靈。於世間則爲大損。於出世又無實益。兩途既失。重罪難

逃。如是思惟。惟有百劫千生。常行佛道。十方三世。普度眾生。則不惟一生父母。生生父母。俱蒙拔濟。不惟一人父母。人人父母。盡可超升。是爲發菩提心第二因緣也。

云何念師長恩。父母雖能生育我身。若無世間師長。則不知禮義。若無出世師長。則不解佛法。不知禮義。則同於異類。不解佛法。則何異俗人。今我等粗知禮義。略解佛法。袈裟被